

**ILMIY-TADQIQOT ISHLARIGA DAVLAT BUYURTMASI ASOSIDA
ILMIY LOYIHANI BAJARISH TO'G'RISIDA
SHARTNOMA
IL-8624042753-son**

2025-yil "___"-_____

Toshkent sh.

Oliy ta'lim, fan va innovatsiyalar vazirligi huzuridagi Innovatsion rivojlanish agentligi (keyingi o'rinlarda — Buyurtmachi) nomidan Nizom asosida ish yurituvchi direktor **Rajabbayev Sharof Raximberdiyevich** bir tarafdian, loyiha rahbari **Xolboyeva Aziza Ixtiyarovna** ikkinchi tarafdian, Termiz davlat universiteti (keyingi o'rinlarda – Ijrochi) nomidan Ustav asosida ish yurituvchi rektor **Toshkulov Abdukodir Xamidovich** uchinchi tarafdian, Ilm-fanni moliyalashtirish va innovatsiyalarni qo'llab-quvvatlash jamg'armasi (keyingi o'rinlarda – Moliyalashtiruvchi) nomidan Nizom asosida ish yurituvchi Ijro etuvchi direktor v.v.b. **Tavakalov Jonibek Tavakalovich** to'rtinchi tarafdian, O'zbekiston Respublikasi Vazirlar Mahkamasining 2020-yil 9-martdagi 133-son qarori, Oliy ta'lim, fan va innovatsiyalar vazirligi Ilm-fan va innovatsiyalar kengashi (keyingi o'rinlarda – Kengash)ning 2025-yil 31-yanvardagi 2-son bayoni hamda Oliy ta'lim, fan va innovatsiyalar vazirining 2025-yil 19-fevraldagi 68-son buyrug'iga muvofiq taraflar o'rtasida mazkur shartnoma tuzildi.

I. Shartnoma predmeti

1. Mazkur shartnoma bo'yicha Ijrochi va loyiha rahbari Buyurtmachining topshirig'iga binoan mazkur shartnomada belgilangan **“Yog'och materiallarning xossalarni yaxshilash uchun oligomer antipiren-antiseptiklar olish va qo'llash texnologiyasini ishlab chiqish”** mavzusidagi innovatsion loyihasini bajarish va uning natijasini Buyurtmachiga shartnomada belgilangan muddatda topshirish majburiyatini oladi, Buyurtmachi esa ish natijasini qabul qilib olish, Moliyalashtiruvchi esa moliyalashtirish majburiyatini oladi.

2. Loyiha doirasida amalga oshiriladigan ishlar va ularni bajarish muddatlari hamda bajarilgan ishlar bo'yicha taqdim etiladigan hisobot shakllari ushbu shartnomaning 1-ilovasiga muvofiq tasdiqlangan kalendar rejaga asosan belgilanadi.

II. Shartnomaning moliyaviy hajmi va moliyalashtirish tartibi

3. Moliyalashtiruvchi tarafidan loyihaning umumiy moliyalashtirish hajmi **765 750 000 (yetti yuz oltmish besh million yetti yuz ellik ming)** so'mni tashkil etadi. Shundan birinchi yilda bajariladigan ishlar uchun **765 750 000 (yetti yuz oltmish besh million yetti yuz ellik ming)** so'm moliyalashtiriladi. Loyihani moliyalashtirish mazkur shartnomaning 2-ilovasiga muvofiq tasdiqlangan xarajatlar smetasi asosida amalga oshiriladi.

4. Moliyalashtiruvchi tarafidan loyihaning tadqiqot davri mobaynida loyihani amalga oshirishda mehnatga haq to'lash va boshqa xarajatlar uchun loyihaga ajratiladigan har yillik mablag'ning 95 foizi moliyalashtiriladi.

Bunda, loyihaga ajratilgan mablag'larning qolgan 5 foizi, shundan:

60 foizi – loyihaning tasdiqlangan xarajatlar smetasining oxirgi oyi uchun rejalashtirilgan mehnatga haq to'lash va ijtimoiy soliq xarajatlardan;

40 foizi – boshqa xarajatlardan mutanosib ravishda chegirib qolinadi.

Loyihani moliyalashtirish O'zbekiston Respublikasi Iqtisodiyot va moliya vazirligi axborot tizimida loyiha uchun ochilgan alohida milliy valyutadagi shaxsiy g'azna hisobvarag'i orqali budjet tizimi budjetlari xarajatlari iqtisodiy tasnifining tegishli moddalarida, yilning oylar taqsimoti kesimida mablag' rejalashtirish orqali amalga oshiriladi.

5. Moliyalashtiruvchi tarafidan loyihaga ajratiladigan mablag'ning chegirib qolgan 5 foizini moliyalashtirish quyidagi shartlar asosida amalga oshiriladi:

Ijrochi tarafidan loyiha bo'yicha oraliq/yakuniy ilmiy hisobotlar shartnomaning kalendar rejasida belgilangan hisobot oyining 15 sanasiga qadar Buyurtmachiga taqdim etilgan taqdirda, Buyurtmachining ko'rsatmasiga asosan chegirib qolgan mehnatga haq to'lash va ijtimoiy soliq xarajatlari moliyalashtiriladi;

Ijrochi tarafidan taqdim etilgan oraliq/yakuniy ilmiy hisobotlar mustaqil ekspertlar tavsiyasi asosida Buyurtmachi tomonidan qabul qilganidan so'ng, Buyurtmachining qarori (Kengash qarori, buyruq yoki ko'rsatma)ga asosan boshqa xarajatlardan chegirib qolgan mablag'lar moddiy rag'batlantirish va ijtimoiy soliq xarajatlari uchun moliyalashtiriladi.

6. O'zbekiston Respublikasi Prezidentining farmonlari va qarorlariga muvofiq mehnatga haq to'lashning eng kam miqdori o'zgarishi munosabati bilan Davlat budjetidan Moliyalashtiruvchiga ushbu maqsadga mablag' ajratilgan taqdirda loyihaning umumiy moliyalashtirish hajmiga o'zgartirish kiritilishi mumkin.

III. Taraflarning huquq va majburiyatlari

7. Buyurtmachining huquqlari:

loyiha doirasida bajarilayotgan ishlarni va ajratilgan mablag'larning maqsadli sarflanayotganligini monitoring qilish, zarur hollarda joyiga chiqqan holda;

loyihani amalga oshirish natijalariga oid ma'lumotlarni, ilmiy va moliyaviy hisobotlarni Ijrochidan talab qilish;

Ijrochi va Loyiha rahbari bilan kelishilgan holda ushbu shartnomaga o'zgartirish va qo'shimchalar kiritish;

Mazkur shartnoma shartlari Ijrochi va Loyiha rahbari tarafidan bajarilmaganda yoki tegishli darajada bajarilmaganda ushbu loyihani moliyalashtirishni to'xtatib turish yoki to'xtatish to'g'risida qaror (Kengash qarori, buyruq yoki ko'rsatma) qabul qilish, shuningdek, shartnomani bir taraflama bekor qilish.

8. Ijrochining huquqlari:

Buyurtmachidan loyihani ijrosiga oid barcha axborot va ma'lumotlarni so'rab olish; loyiha doirasida ajratilgan mablag'larni o'z muddatida moliyalashtirilishini talab qilish.

9. Loyiha rahbarining huquqlari:

Ijrochidan loyihani ijrosiga oid barcha zarur axborot va ma'lumotlarni so'rab olish; loyiha doirasidagi ishlarni bajarish uchun mablag'larni o'z vaqtida moliyalashtirilishini talab qilish.

10. Moliyalashtiruvchining huquqlari:

Ijrochi tashkilot tarafidan davriy moliyaviy hisobotlar belgilangan muddatlarda topshirilmagan taqdirda Buyurtmachini ogohlantirgan holda loyihani moliyalashtirishni to'xtatib turish.

11. Buyurtmachining majburiyatlari:

Ijrochi tarafidan taqdim etilgan shartnoma, xarajatlar smetasi va kalendar rejani ko'rib chiqish va kelishish;

mazkur shartnoma asosida, uning xarajatlar smetasiga mos ravishda loyihani moliyalashtirish to'g'risida qaror (Kengash qarori, buyruq yoki ko'rsatma) qabul qilish;

loyiha doirasida bajarilayotgan ishlarni va ajratilgan mablag'larning maqsadli sarflanayotganligini monitoring qilish, zarur hollarda joyiga chiqqan holda.

12. Ijrochining majburiyatlari:

kalendar rejaga muvofiq ishlarni bajarish va natijasini o'z muddatida Buyurtmachiga topshirish. Loyiha doirasida ijrochi tomonidan yaratilgan ilmiy va ilmiy-texnikaviy faoliyat natijalari, davlat ilmiy-texnik loyihalar yakunlanganidan va (yoki) ular belgilangan tartibda ro'yxatdan o'tkazilganidan keyin tijoratlashtirilishi shart, fundamental va tajriba-konstruktorlik tadqiqotlar natijalari, shuningdek, gumanitar va ijtimoiy fanlar sohasidagi loyihalar bundan mustasno;

loyiha doirasida yaratilgan tadqiqot natijalarini Web of Science va Scopusning ma'lumotlar bazasida indeksatsiyalangan jurnallarda hamda boshqa nufuzli ilmiy jurnallarda chop etilishini ta'minlash;

tadqiqot natijalariga intellektual mulk obyektlari uchun tegishli hujjatlarni olish;

bajarilgan ishlarda o'zining aybi bilan yo'l qo'yilgan, shartnomada nazarda tutilgan parametrlardan chekinishga olib kelishi mumkin bo'lgan kamchiliklarni o'z kuchi bilan va o'z hisobidan bartaraf etish;

kutilayotgan natijalarni olish mumkin emasligi yoki ishlarni davom ettirish maqsadga muvofiq emasligi aniqlangan taqdirda, bu haqida Buyurtmachini besh ish kuni muddatda xabardor qilish;

shartnoma asosida topshirilgan natijalarga uchinchi shaxslarda alohida huquqlar yo'qligi haqida buyurtmachiga kafolat berish;

loyihani sifatli va samarali bajarish uchun zarur bo'lgan ashyolar, asbob-uskunalar, qurilmalar, ishlab chiqarish maydonlari bilan ta'minlash va boshqa zarur sharoitlarni yaratish;

shartnomada ko'zda tutilgan mablag'lar va tovar-moddiy boyliklar hisobini yuritish va ularning maqsadli sarflanishini ta'minlash;

ilmiy-tadqiqot o'z vaqtida topshirilishini ta'minlash;

loyiha uchun ajratilgan mablag'larni sarflanishi yuzasidan choraklik va yillik moliyaviy hisobotlarni hisobot davridan keyingi oyning yigirma beshinchi sanasiga qadar "UzASBO" dasturiy majmuasi orqali elektron shaklda Moliyalashtiruvchiga taqdim etish;

Buyurtmachi tarafidan joyiga chiqqan holda loyihaning bajarilishi yuzasidan o'tkaziladigan monitoring uchun zarur sharoitlarni yaratib berish;

yuridik manzili va bank rekvizitlari o'zgarganda taraflarni 10 ish kun ichida xabardor qilish;

loyiha doirasida ajratilgan budget mablag'larini xarajatlar smetasi asosida belgilangan tartibda va miqdorda maqsadli sarflanishini ta'minlash;

Moliyalashtiruvchi tarafidan loyihaga moddiy rag'batlantirish uchun ajratilgan mablag'larni Ilmiy xodimlarni moddiy rag'batlantirish jamg'armasini shakllantirish va uning mablag'laridan foydalanish tartibi to'g'risida nizom (O'zbekiston Respublikasi Adliya vazirligi tomonidan 2009-yil 2-noyabrda ro'yxatdan o'tkazilgan, ro'yxat raqami 2029) talablari asosida maqsadli sarflash;

loyiha bo'yicha tayyorlangan hisobotlarning ishonchliligi va haqqoniyligi, avval bajarilmaganligi, ko'chirmachilik (plagiat)ka yo'l qo'yilmaganligi hamda tanlov mavzusi va shartlariga mosligini ta'minlash.

13. Loyiha rahbarining majburiyatlari:

shartnoma shartlarini va loyihani o'z muddatlarida sifatli va to'liq bajarish, moliyaviy mablag'lar va moddiy-texnik resurslarni maqsadli ishlatish;

shartnoma bo'yicha ishlarni to'liq hujjatlashtirish va o'z vaqtida ilmiy va moliyaviy hisobotlarni topshirish;

loyiha bo'yicha tayyorlangan hisobotlarning ishonchliligi va haqqoniyligi, avval bajarilmaganligi, ko'chirmachilik (plagiat)ka yo'l qo'yilmaganligi hamda tanlov mavzusi va shartlariga mosligiga javobgardir.

14. Moliyalashtiruvchining majburiyatlari:

Taraflar o'rtasida shartnoma tuzilganidan so'ng O'zbekiston Respublikasi Iqtisodiyot va moliya vazirligi axborot tizimida loyiha uchun alohida milliy valyutadagi shaxsiy g'azna hisobvarag'i ochish;

mazkur shartnoma bilan tasdiqlangan xarajatlar smetasiga asosan loyihani moliyalashtirish;

Buyurtmachining qarori (Kengash qarori, buyruq yoki ko'rsatma)ga asosan loyihani moliyalashtirishni to'xtatib turish va (yoki) to'xtatish.

IV. Ishlarni topshirish va qabul qilish tartibi

15. Ijrochi loyihaning tasdiqlangan kalendar rejasiga asosan tayyorlangan oraliq/yakuniy ilmiy hisobotlarni shartnomaning kalendar rejasida belgilangan hisobot oyining 15 sanasiga qadar Buyurtmachiga taqdim etadi.

Agarda oraliq/yakuniy ilmiy hisobotlar Ijrochi tarafidan belgilangan muddatlarda Buyurtmachiga taqdim etilmagan taqdirda, mehnatga haq to'lash va ijtimoiy soliq

xarajatlaridan chegirib qolingan mablag'lar Buyurtmachining ko'rsatmasiga asosan moliyalashtirilmaydi.

16. Mazkur shartnoma bo'yicha bajarilgan ishlarning natijasi, uning yakuniy hisobotlari Buyurtmachi tarafidan qabul qilib olinadi.

Agarda Ijrochining yakuniy ilmiy hisobotlari bo'yicha mustaqil ekspertlar tavsiyasi berilmagan taqdirda loyihaaning tasdiqlangan xarajatlar smetasida boshqa xarajatlardan chegirib qolingan mablag'lar Buyurtmachining qarori (Kengash qarori, buyruq yoki ko'rsatma)ga asosan moliyalashtirilmaydi.

17. O'zbekiston Respublikasining qonunchilik hujjatlariga muvofiq choraklik, 6 oylik, 9 oylik va yillik moliyaviy hisobotlar Ijrochi tarafidan hisobot davridan keyingi oyning 10 sanasigacha topshiriladi.

18. Choraklik moliyaviy hisobot natijalari bo'yicha ajratilgan mablag'larning sarflanmay qolgan qismi Buyurtmachi tomonidan maqbullashtirilishi mumkin.

19. Ish bosqichlarini qabul qilish jarayonida ushbu shartnomaning kalendar rejasida ko'rsatilgan talablariga mos kelmasligi aniqlansa, Ijrochi belgilangan ishlar hajmini o'z hisobidan kelishilgan muddatda to'liq bajarishga majbur.

20. Agar ishni bajarish jarayonida salbiy natija olish holati yoki ishni davom ettirish maqsadga muvofiq emasligi aniqlansa, Ijrochi ishni to'xtatishi va bu haqida bir hafta muddatda Buyurtmachini rasmiy xabardor qilishi zarur. Ushbu hollarda taraflar ishni keyinchalik davom ettirish maqsadga muvofiq yoki nomuvofiqligi to'g'risida qaror (Kengash qarori, buyruq yoki ko'rsatma) qabul qiladilar.

21. Ijrochi tarafidan loyiha Buyurtmachi bilan kelishilgan kalendar reja doirasida bajarilmaganligi aniqlansa, oraliq bosqich hujjatlari va hisobotlar belgilangan talablar darajasida rasmiylashtirilmasa hamda o'z muddatlarida topshirilmasa, bunday holatlarda Buyurtmachi qarori (Kengash qarori, buyruq yoki ko'rsatma) bilan Moliyalashtiruvchi tarafidan moliyalashtirish to'xtatiladi va shartnoma bekor qilinadi.

V. Shartnoma shartlarini buzganlik uchun taraflarning javobgarligi

22. Ijrochi va Loyiha rahbari mazkur shartnoma shartlarini bajarmaganligi va (yoki) tegishli darajada bajarmaganligi uchun, agar shartnomaning buzilishida o'zining aybi yo'qligini isbot qilmasa, Buyurtmachining loyiha doirasida moliyalashtirilgan mablag'ini Ijrochi va Loyiha rahbari birgalikda qoplashi shart.

Moliyalashtiruvchi tarafidan loyiha doirasida moliyalashtirilgan mablag'larning Ijrochi va Loyiha rahbari tarafidan maqsadsiz va samarasiz sarflanganligi yoki budget va smeta-shtat intizomiga rioya etmaganligi uchun Buyurtmachi va Moliyalashtiruvchi javobgar bo'lmaydi.

23. Ijrochi tarafidan shartnoma shartlari bajarilmagan holatlarda ishlar bajarilmagan va shartnoma shartlari buzilgan deb hisoblanadi. Ushbu holatda Moliyalashtiruvchi Buyurtmachining qarori (Kengash qarori, buyruq yoki ko'rsatma)ga asosan moliyalashtirishni to'xtatadi.

24. Shartnoma shartlari bajarilmagan hollarda taraflar ushbu shartnoma va O'zbekiston Respublikasining qonunchilik hujjatlari asosida javobgardir.

VI. Korrupsiyaga qarshi kurash

25. Tomonlar korrupsiyaga qarshi kurashish va uni oldini olish bilan bog'liq barcha amaldagi qonunlar, qonunosti hujjatlar, shu jumladan "Korrupsiyaga qarshi kurashish to'g'risida"gi Qonuniga rioya qilishni o'z zimmalariga oladilar.

26. Tomonlar ushbu shartnomani bajarish bilan bog'liq hech qanday korrupsiyaviy harakatlar yoki harakatsizlikni sodir etmaslikni tasdiqlaydi va kafolatlaydi.

27. Tomonlar korrupsiyaviy harakat yoki harakatsizlik haqida voqea/hodisa sodir etilgan kundan boshlab 5 ish kun ichida xabar berishi kerak.

28. Buyurtmachi korrupsiyaga qarshi bandlarga rioya etilishini ta'minlash maqsadida mazkur shartnoma bilan bog'liq faoliyati bo'yicha audit o'tkazish huquqini o'zida saqlab qoladi.

29. Buyurtmachi korrupsiyaviy holatlar to'g'risida xabar bergan shaxslarning huquqlari va erkinliklarini ta'minlaydi va kafolatlaydi.

30. Mazkur bandlarga rioya qilmaslik yoki ularni to'la bajarmaslik bevosita shartnomani bekor bo'lishi uchun asos bo'lib xizmat qiladi.

31. Taraflar agar ulardan birining xatti-harakatlari orqali mazkur bo'limda ko'rsatib o'tilgan bandlardan birini buzish natijasida yetkazilgan haqiqiy zararni qoplashni talab qilishga haqli.

VII. Fors-major holatlari

32. Agar shartnoma majburiyatlari quyidagi holatlarning vujudga kelishi natijasida bajarilmagan bo'lsa, taraflarning birortasi ham o'ziga olgan majburiyatlarni to'liq yoki qisman bajarmaganligi uchun javobgarlikni o'z zimmasiga olmaydi: suv bosish, yong'in, yer qimirlash va boshqa tabiiy ofatlar, shuningdek urush, harbiy harakatlar yoki shartnoma tuzilgandan keyin taraflarning nazoratidan tashqarida yengib bo'lmas kuch ta'sirida sodir bo'lgan holatlar. Bunda, ushbu shartnoma majburiyatlarini bajarish muddati bunday holatlarning harakatlanish davriga mos ravishda keyinga suriladi.

VIII. Boshqa shartlar

33. Mazkur shartnomadan kelib chiqadigan majburiyatlar bo'yicha Ijrochi va loyiha rahbari shartnoma shartlarini bajarish yuzasidan Buyurtmachi oldida solidar tarzda javobgar hisoblanadilar.

34. Ijrochi va Loyiha rahbari mazkur loyiha doirasida ishlab chiqilgan ishlanmalar, chop etilgan maqolalar, monografiyalar, ommaviy-axborot vositalaridagi ma'lumotlarda ishlar Buyurtmachi tarafidan moliyalashtirilgan loyihalar doirasida bajarilganligini qayd etishlari shart.

35. Loyiha doirasida huquqiy muhofaza qilinishi zarur bo'lgan ilmiy natija olinsa Loyiha rahbari bir hafta muddatda Ijrochiga bu haqida yozma xabar berishi lozim. Ijrochi ikki hafta muddatda o'zining ilmiy-texnikaviy kengashida xabarni ko'rib chiqib, intellektual mulk obyektni muhofaza qilish to'g'risida qaror qabul qiladi va Buyurtmachiga bu haqda axborot beradi. Shartnomada ko'rsatilgan ishlarni bajarish vaqtida yaratilgan intellektual mulk obyektlarini muhofaza qilish Buyurtmachi bilan yozma ravishda oldindan kelishilgan holda amalga oshiriladi.

36. Loyiha ijrochilari bilan tuziladigan mehnat shartnomasida qonunchilik hujjatlari hamda ushbu shartnoma shartlari asosida loyiha doirasida yaratiladigan intellektual mulk obyektlarini muhofaza qilinishini ta'minlashga doir band kiritilishi lozim.

37. Loyiha doirasida yaratilgan intellektual mulk obyektlari uchinchi tomonga beriladigan bo'lsa, litsenzion kelishuv asosida berilishi va litsenzion kelishuvda texnologiya (ishlanma) muallif(lar)i, Ijrochi hamda uchinchi tomon o'rtasida foyda taqsimlanishi ko'rsatiladi.

38. Ushbu shartnoma bo'yicha loyihani bajarilishi uchun sotib olingan asbob-uskunalar, qurilmalar ish bajarilgandan so'ng Ijrochi balansida qoldiriladi. Moliya yilining oxirida har bir sotib olingan asbob-uskuna, qurilma va boshqalar bo'yicha moliyaviy xarajati ko'rsatilgan ro'yxat Buyurtmachiga taqdim etiladi.

39. Ushbu shartnomaga o'zgartirish va qo'shimchalar kiritish yoki bekor qilish taraflarning kelishuviga binoan belgilangan tartibda yozma ravishda amalga oshiriladi.

Mazkur shartnomaning bir yoki bir nechta shartlari O'zbekiston Respublikasining qonunchilik hujjatlari yoki sud qarorlariga muvofiq o'z kuchini yo'qotsa, shartnomaning boshqa shartlari bekor bo'lishiga asos bo'lmaydi.

40. Ushbu shartnomani bajarilishi jarayonida yuzaga kelgan kelishmovchiliklar muzokaralar o'tkazish yo'li bilan hal qilinadi. O'zaro kelishuv ta'minlanmagan holda kelishmovchiliklar Toshkent tumanlararo iqtisodiy sudida hal qilinadi.

41. Taraflarning ushbu shartnomada nazarda tutilmagan munosabatlari O'zbekiston Respublikasining qonunchilik hujjatlari asosida tartibga solinadi.

42. Shartnomaning ilovalari uning ajralmas qismi hisoblanadi.

43. Shartnoma bo'yicha loyihaning bajarilish muddati: 2025-yil 1-aprelda boshlanadi va 2026-yil 31-martda yakunlanadi.

Mazkur shartnoma taraflar o'rtasida imzolangan kundan e'tiboran kuchga kiradi va taraflar uchun majburiy bo'ladi hamda taraflar o'z majburiyatlarini bajargunga qadar amalda bo'ladi.

44. Ushbu shartnoma shartnomaning har bir tarafi uchun teng yuridik kuchga ega bo'lgan 4 (to'rtta) asl nusxada tuzildi. 1-nusxa Buyurtmachiga, 2-nusxa Ijrochiga, 3-nusxa Loyiha rahbariga va 4-nusxa Moliyalashtiruvchiga taqdim etiladi.

IX. Taraflarning yuridik manzili va bank rekvizitlari

Buyurtmachi

Ijrochi

**O‘zbekiston Respublikasi Oliy ta’lim, fan va
innovatsiyalar vazirligi huzuridagi
Innovatsion rivojlanish agentligi**

Termiz davlat universiteti

100174, Toshkent sh., Olmazor t., Universitet
ko‘chasi., 7 uy
Tel.: 71 203 32 23
sh/h: 400110860262807014301254001
O‘z.R. Iqtisodiyot va moliya vazirligi
G‘aznachilik xizmati qo‘mitasi
H/r № 23402 000 300 100 001 010
MB XKKM BB Toshkent sh.
STIR: 201 122 919 MFO:00014
STIR: 305 166 715

1722401, Surxondaryo viloyati, Termiz
shahri, Barkamol avlod ko‘chasi, 43-uy
Tel.: (99) 671-10-28
Sh/h: 400110860224017094100350007
O‘z.R. Iqtisodiyot va moliya vazirligi
G‘aznachilik xizmati qo‘mitasi
H/r 23402000300100001010
MB XKKM BB Toshkent sh
STIR: 201 122 919 MFO: 00014
STIR: 200 473 474

Direktor

Sh. Rajabbayev

Rektor

A. Toshkulov

Moliyalashtiruvchi

Loyiha rahbari

**Ilm-fanni moliyalashtirish va
innovatsiyalarni qo‘llab-quvvatlash
jamg‘armasi**

Xolboyeva Aziza Ixtiyarovna

100174, Toshkent sh., Olmazor t., Universitet
ko‘chasi., 7-uy
Tel.: 71 203-17-00; 71 203 32 23
sh/h: 302810860262737015401254001
O‘z.R. Iqtisodiyot va moliya vazirligi
G‘aznachilik xizmati qo‘mitasi
H/r № 23402 000 300 100 001 010
MB XKKM BB Toshkent sh.
STIR: 201 122 919 MFO:00014
STIR: 304 999 794

Yashash manzili: Surxondaryo viloyati
Termiz shahri, Sh. Darvoza ko‘chasi,
1-burilish, 5-uy
Pasport ma’lumotlari: 27.05.1992-y.t.
AB 6313447 (Surxondaryo viloyati
Termiz shahar IIB tomonidan
28.03.2017-yilda berilgan)
JSHSHIR: 42705921802727
Tel.: (99) 074-17-17
Elektron pochta: axolboyeva@mail.ru

**Ijro etuvchi direktor
v.v.b.**

J. Tavakalov

Loyiha rahbari

A. Xolboyeva

2025-yil ____ - ____ dagi
IL-8624042638-son shartnomaga
1-ILOVA

**Shartnomaga muvofiq bajariladigan ishlarning
KALENDAR REJASI**

T/r	Amalga oshiriladigan ishlar* (Loyihaning har bir yili bo'yicha oylar kesimida)	Amalga oshirish/hisobotni taqdim etish muddati**	Taqdim etiladigan hisobot shakli***
Birinchi yil			
1.	Loyiha mavzusi doirasida adabiyotlar sharhini tuzish	Aprél	
2.	Yangi tarkibli oligomerlar olish. Olingan oligomerlarni laboratoriya sharoitida olishning metodikalarini yaratish va ilmiy asoslash	May	
3.	Tarkibida azot, oltingugurt bo'lgan oligomer antiseptiklarni olishning maqbul sharoitlari aniqlanadi	Iyun	
4.	Tarkibida azot, oltingugurt bo'lgan oligomer antipirenlarni olishning maqbul sharoitlari aniqlanadi	Iyul	
5.	olingan oligomer antiseptiklar bilan ishlov berilgan yog'och qurilish materiallarni fizik-mexanik xossalari aniqlanadi	Avgust	
6.	olingan oligomer antipiren bilan ishlov berilgan yog'och qurilish materiallarni fizik-mexanik xossalari aniqlanadi	Sentabr	
7.	oligomer antipiren-antiseptiklar bilan modifikatsiyalangan yog'och materiallarni fizik-kimyoviy va mexanik hamda antibakterial xususiyatga ega xossalari o'rganiladi	Oktabr	
8.	oligomer antipiren-antiseptiklar bilan modifikatsiyalangan yog'och materiallarni fizik-kimyoviy va mexanik hamda yong'inbardoshlilik xususiyatga ega xossalari o'rganiladi	Noyabr	
9.	mahalliy xomashyolar asosida tarkibida azot, oltingugurt saqlagan oligomer antipiren antiseptiklar olish texnologiyasi ishlab chiqiladi	Dekabr	
10.	Olingan antipiren-antiseptiklar tashqi mexanik ta'sirlarga chidamliligini sinash	Yanvar	
11.	Olingan antipiren-antiseptiklar real sharoitlarda sinovdan o'tkazish. Namunalarning ishlash qobiliyati, ustunligi, kamchiliklari, va boshqa parametrlarini	Fevral-Mart	

	kuzatish, ularni tahlil qilish. Maxsulotlarning iqtisodiy samaradorligini hisoblash, iqtisodiy va texnologik hujjatlarni tayyorlash. Ixtiroga patentga ariza berish. "Web of Science Core Collection", "Scopus" ma'lumotlar bazasida indekslangan nashrlarda – 1 ta; O'z.Res. OAK ro'yxatiga kirgan nufuzli xorij jurnallarida - 2 ta; O'z.Res. OAK ro'yxatiga kirgan mahalliy jurnallarda - 2 ta; Loyiha mavzusi doirasida monografiya - 1 ta; chop etish.		
12.	Yakuniy hisobot taqdim etish	Loyihaning yakunlanish yilida oxirgi oyning 15-sanasiga qadar	Yakuniy hisobot

Buyurtmachi

Ijrochi

Direktor

Sh. Rajabbayev

Rektor

A. Toshkulov

Loyiha rahbari

A. Xolboyeva